

Universitätsbibliothek Paderborn

Cibus Electvs Sive Instrvctiones Sanctae De vita sanctè traducenda& inter pios sanctósque affectus concludenda

Elffen, Nicolas

Coloniae, 1667

Invocatio Iesu, Mariæ, & Sanctorum.

[urn:nbn:de:hbz:466:1-55232](#)

Et doles ex animo quod Deum tuum
ad eo bonum ullo unquam etiam levissimo
peccato offenderis? Resp. Doleo ex ani-
mo.

Proponis ergo serio vitæ adhuc superstitis
emendationem? Resp. Propono.

Et ut rigori Justitiae divinæ fiat satis quo-
cunque dolores quascunque molestias ac
morbi tædia æquo feres animo? Resp.
feram.

Age ergo amorem illum quo D eum tuū
prosequeris, ac dolorē quo peccata præte-
rita detestaris, voce exprime, ac me in verba
præcuntem sequere. Dicamus ergo pariter
toto cordis affectu: O Deus summe Bene-
factor meus, ago tibi gratias pro universis
beneficiis tuis mihi & aliis collatis aut con-
ferendis in omnem æternitatem.

Credo in te suprema veritas.

Spero in te te æterna felicitas.

Revereor te immensa Majestas.

Glorifico te O sanctissima Deitas.

Amo te incomprehensa bonitas.

Doleo medullitus quod unquam of-
fenderim te.

Invocatio Iesu, Mariae, & Sanctorum.

O Sancti Angeli & Seraphici Spiritus, &
tu in primis fidelissime Custos meus, im-
petrate mihi à Iesu per Mariam, ut Iesum
meum sic amem, quemadmodum vos eum
amat, ex toto corde super omnia. Ange-
licæ

licet tutelæ vestræ commendo corpus &
animam meam nunc & in hora mortis
meæ, Amen.

O Sancti Patriarchæ & probati per omnia
Patiens, impetrare mihi à Iesu per Mariam,
ut neminem timeam, nisi Iesum, nihil spe-
rem, nisi Iesum : Paternæ Curæ & pietati
vestræ commendo corpus & animam meam
nunc & in hora mortis meæ, Amén.

O Sancti Prophetæ, illustrati cœlitus va-
tes impetrare mihi à Iesu per Mariam, ut
vivâ & firmâ fide credam omnia, quæcun-
que Iesus meus Ecclesiæ iux revelavit, & in
hac ac pro hac verâ fide mori paratus sim :
benignissimæ providentia vestræ commen-
do corpus & animam nunc & in hora mor-
tis meæ, Amen.

O sancti Apostoli, indefessi Zelatores &
propagatores gloriæ Dei, impetrare mihi à
Iesu per Mariam, ut ad Iesu mei honorem &
amorem vivere & mori cupiam : in thau-
maturgas manus vestras commendo corpus
& animam meam nunc & in hora mortis
meæ, Amen.

O sancti Martyres, magnanimi Heroes,
impetrare mihi à Iesu per Mariam, ut vestro
& Iesu mei exemplo unica voluptas & con-
solatio mea sit pati : sanguis vester amore
Iesu profusus sit robur & unctione animæ
meæ : in victoriosas manus vestras com-
mendo corpus & animam meam nunc & in
hora mortis meæ, Amen.

O san-

O sancti Confessores, in poenitentia, patientia & humilitate sincere probati, impetrare mihi à Iesu per Mariam, veram poenitentiam peccatorum meorum : in fidelissimum & compatientissimum cor vestrum commendo corpus & animam meam nunc & in hora mortis meæ, Amen.

O sanctæ virgines, nive candidior turbæ, impetrare mihi à Iesu per Mariam, ut cor meum immaculatum sit in omnibus justificationibus Domini : in virginem finum vestrum commendo corpus & animam meam, nunc & in hora mortis meæ, Amen.

O sanctæ Videlæ, devotæ ardentesque animæ, impetrare mihi à Iesu per Mariam, ut exemplo vestro Iesu meo soli adhærescam, & cum Iesu animus meus ac cor meum semper sit unitum : pio vestro devotoque patrocinio commendo corpus & animam meam, nunc & in hora mortis meæ, Amen.

O sanctæ Conjuges, impetrare mihi à Iesu per Mariam, veram Christianam dilectionem omnium hominum etiam inimicorum meorum, ut eos sic amem quemadmodum eosdem amavit Iesus meus in lecto mortis ac crucis suæ : in amabilia brachia vestra commendo corpus & animam meam nunc & in hora mortis meæ, Amen,

O vos omnes Sancti & Electi Dei, & tu præ omnibus, suavissima Mater mea, Regina Sanctorum omnium Maria, impetrare

te mihi à Iesu, vestro ac meo Deo & Domino, ut post exutam hanc mortalitatem beatificè ipsum vobiscum videam in omnem æternitatem. O Maria, materno cordi tuo, commendo cor meum : O Electi omnes, sanctissimo fidelissimóq; cordi vestro commendo eorū meum nunc & in hora mortis meæ, Amen.

Preces jaculatoria pro Infirmis.

O Iesu, in te credo : in te spero : te amo ex toto corde meo.

O Iesu, doleo de omnibus & singulis peccatis meis, quod te illis summum bonum meūm offenderim.

O Iesu, meus es tu, & ego tuus sum in æternum : tuus sum, mi Iesu, sive vivam, sive moriar.

Iesu Fili David, miserere mei.

Iesu, in sacratissima vulnera tua commendo corpus & animam meam.

O Iesu, Iesu, Iesu, esto mihi Iesus, id est, Salvator in vita, & in morte.

O benignissime Iesu, dic animæ meæ : salus tua ego sum. Peccavi, ô Iesu, in cœlum & coram te ; jani non sum dignus vocari filius tuus.

O Iesu, Dominus meus & Deus meus, propitius esto mihi peccatori.

O Domine Iesu Christe, Fili Dei vivi interpone quæsto passionem & mortem tuam inter judicium tuum & animam meam.

O Ie-